



Vallerius Aurelianus in finibus magnæ Germaniæ & Pannoniæ obscuriore familia natus est. Puer adhuc sese indies pilo, aut sagittis exercuit, atq; etiã diebus festis inertię impatiens, feris insidias struxit, aut arma tractare didicit. Adulta ætate fuit statura procerus, atq; ualidissimo corpore præditus. Itaq; erumpentes Sarmatas cū trecentis præsidarijs solus attriuit, manu etiã suo bello Sarmatico una die quadraginta octo interfecit se narratur, ceteris autem diebus plusquam noningentos. Inde magna autoritate castra Romanorum secutus, Tribunus sextæ Gallicanæ legionis constitutus fuit. Itaq; iuxta Moguntia limitis Rheni præfectus Francos irruentes repressit, septingentos interemit, & trecentos captos sub corona uendidit. Castrensia peccata militum tanta seueritate corripuit, ut omnibus formidulosus uitia quæq; ab exercitu amoueret. Postea à pluribus Imperatoribus diuersos tribunatus & ducatus sortitus, liberator Illyrici, & Galliarũ restitutor dictus, à Valleriano consul designatus, & multis donis affectus fuit. Hisce auspicijs factũ ut tandẽ post Claudium Imperator electus fuerit. Inde contra Sarmatas, Sueuos, & Marcomannos pugnavit, à quibus Respub. iacturã acceperat. Marcomanni enim tantũ Romanis terrorem incusserant ut iam de sua urbe desperarent, & Sibyllinos libros adirẽt, quo hostes sacrificijs arcere possent. Interea cū magnę seditiones Romæ excitarent, Aurelianus in urbem uenit & plures nobiliũ & senatorũ interfecit. Postea statu composito ad Orientẽ profectus est. in itinere in Thracia & Illyrico occurrentes Barbaros strauit, Gothorum ducẽ fudit, Bythiniã recuperauit, & Thyanã ciuitatẽ expugnauit. Deinde Antiochia occupata Zenobiã superauit, atq; omni Oriente recepto in Europã magna gloria reuersus est. Hisce rebus confectis Firmum quendam, qui Aegyptum inuaserat, sustulit, atq; tandem Tetrucum in Gallijs ad Occidentẽ tyrannidem exercentẽ cœpit, & eũ cū Zenobia in triũpho Romã perduxit. In eo triumpho populo dona distribuit, & postea multas salutare leges sanxit, sacerdotia cõposuit, templũ Solis fundauit, urbẽ muris cinxit, & architectis solaria constituit. Sed cum postea per Illyricũ contra Persas iret, inter Heracleã & Bizantiũ malitia Mnestei scribæ sui interemptus fuit. Occisor cæde cognita in stipem ligatus, atq; bestijs obiectus est. Inde Aureliano templũ sepulchrũ, & statuã marmoreã posite, & inter diuos relatus est, anno imperij 6, atq; salutis nostræ 276. Hic Aurelianus primus apud Romanos diadema capiti imposuit, gẽmisq; & aurata ueste usus est, id quod hactenus incognitum fuerat. Flo. Vopisc. Oros. Cuspian.